



Broj: **03/1-50-14-7-30/13**

Sarajevo, 08. 10. 2013.

**PREDMET: Informacija o posjeti članova Zajedničke komisije za odbranu i sigurnost
BiH Komandi 4. pješadijske brigade i 2.bataljonu 4.pbr. OSBiH,
10.9.2013.**

Članovi Zajedničke komisije za odbranu i sigurnost BiH (u daljnjem tekstu: ZK) posjetili su, 10.9.2013., Komandu 4. pješadijske brigade OSBiH, lociranu u Čapljini, i 2.bataljon 4. pješadijske brigade, lociran u Bileći.

U delegaciji ZK bili su: Dušanka Majkić, predsjedavajuća, Mehmed Bradarić, Krunoslav Vrdoljak i Beriz Belkić, članovi ZK, Ljiljana Milićević, sekretar, Željko Grubešić, stručni savjetnik, te Boško Šiljegović, parlamentarni vojni povjerenik BiH.

Sastanku s članovima ZK u Komandi 4. pješadijske brigade prisustvovali su brigadni general Ivica Jerkić, zamjenik komandanta Operativne komande OSBiH i brigadni general Tomo Kolenda, komandant Brigade s užim dijelom komande i komandantima neposredno potčinjenih jedinica.

U uvodnom obraćanju Dušanke Majkić, predsjedavajuće ZK, istaknut je cilj radne posjete i hronologija događanja koja govori o detaljima vezanim za pripremu posjete.

Brigadni general Tomo Kolenda, komandant brigade, u svom uvodnom dijelu informirao je članove ZK o sljedećem:

1. MISIJI, STRUKTURI I RAZMJESTAJU BRIGADE
2. PERSONALNOJ POPUNI I PERSONALNIM POSLOVIMA
3. OBAVJEŠTAJNO-SIGURNOSNIM POSLOVIMA
4. OPERACIJAMA I OBUCI
5. LOGISTICI
6. CIVILNO-VOJNOJ SARADNJI

7. VJERSKIM AKTIVNOSTIMA

8. IZAZOVIMA

Kada je u pitanju stanje lokacija, general Kolenda naglasio je sljedeće:

- brigada trenutno osigurava 22 lokacije (14 neprspektivnih i 8 perspektivnih);
- dnevno je na osiguranju 4.pbr. angažirano 181 profesionalno vojno lice;
- lokacije “Bradina” Konjic, “Zlatar” Konjic, “Gorica” Mostar i “Mirvići” Goražde su prazne i spremne su za predaju civilnim strukturama;
- general Kolenada naglasio je da nedostaje naprednija tehnička zaštita (videonadzor) kada je u pitanju osiguranje objekata što bi umanjilo sadašnje troškove.

Evidentni su izazovi u snabdijevanju klasom I., II., III. i VI. Nedopustivo je odgađanje nekih obuka u posljednja dva kvartala zbog nedostatka klase III.

Održavanje je otežano zbog nedostatka rezervnih dijelova, alata, a veliki su izazovi u nepostojanju ili kašnjenju ugovora iz MO, narudžbenica, slaboj mogućnosti kontrole izvršenih radova vanjskih saradnika, objektivnosti i rentabilnosti popravke.

Veliki problem je i infrastruktura, jer je veliki broj objekata uglavnom izgrađen u vrijeme bivše JNA. Urađeni su dugoročni planovi prioriternih ulaganja u infrastrukturu, s prijedlogom smanjenja ukupnih troškova.

Prisutan je i problem nemogućnosti ishrane profesionalnih vojnih lica na lokacijama.

Upotrebljivo je oko 60% vozila i njihova operativnost je oko 60%. Evidentna je zastarjelost voznog parka, nekompletnost vozila i neekonomičnost održavanja.

Kada su u pitanju ključni izazovi s kojim se suočava 4. pješadijska brigada OSBiH, general Kolenda naglasio je sljedeće:

- **Personalna popuna 4.pbr, nedostatak 246 profesionalnih vojnih lica kategorije vojnika. Ukupno nedostaje 253 PVL i jedno civilno lice;**
- **Neadekvatna je i nedovoljna logistička popuna sredstvima klase I., III. i VI;**
- **Nekompletnost, neoperativnost MTS (zastarjela vojna oprema) i nesistemske završavanje vojne opreme i MTS (prema standardima NATO-a);**
- **Neriješen status neperspektivnih lokacija (predati, iznajmiti, prodati);**
- **Pod hitno riješiti pitanje otvaranja kantina na lokacijama;**
- **Nedadekvatna materijalna formacija jedinica deklariranih po OCC E&F i PARPU-u (nedostatak m/v, zaštitne opreme i novijeg naoružanja).**

Nakon razgovora članova ZK s čelnim ljudima Komande 4. pješadijske brigade OSBiH, članovi ZK obišli su lokaciju na kojoj je smještena Komanda.

Nakon ovog sastanka, članovi Zajedničke komisije posjetili su 2. pješadijski bataljon iz sastava ove brigade, stacioniran u Bileći, gdje su neposredno razgovorali s vojnicima, podoficirima i oficirima ovog bataljona.

Tokom razgovora u Komandi 2. bataljona naglašeno je da postoje veliki problemi u osiguranju lokacija gdje je angažiran veliki broj pripadnika. Prisutni su i problemi u postavljanju na formacijska mjesta, u obračunu i isplati službenih dnevnica, u odabiru ljudstva za prijem u Oružane snage BiH.

Logistički problemi evidentni su tokom raspisivanja tendera i potpisivanja ugovora te u provođenju člana 9. Sporazuma o konačnom raspolaganju nad pokretnom imovinom.

Tokom posjete Komandi 4. pješadijske brigade i 2. pješadijskom bataljonu iz sastava Brigade, članovi ZK uvjerali su se da pripadnici ove brigade veoma odgovorno izvršavaju postavljene zadatke iz misije koju imaju. Istaknuti problemi treba da se rješavaju u daleko operativnijem i osmišljenijem logističkom snabdijevanju što je posao Ministarstva odbrane BiH i Zajedničkog štaba OSBiH.

Predsjedavajuća
Zajedničke komisije

Dušanka Majkić

Dostavljeno:

- naslovu
- a/a